

# Falasorma

Di sicuru so fate à avè lu invintatu  
È à ogni stagione à dà li u so fiatu  
Di muntagne è marine  
Di machjoni sarrati chi l'acquatu intigne  
D'attrachjate turchine, d'albori riccamati  
è di petre sanguigne

**Eccu à Falasorma**  
**Di rinaghji è di spichi**  
**Eccu induve dorme**  
**A forza di l'antichi**  
**Isula di mimoria**  
**Ascondi di a storia**

Da u capu di Guegnu à sin'à Palmarella  
Risplende di billezza tal'un eterna stella  
Di passi vagabondi  
D'infiarate sulane è di licceli scuri  
D'accuglienti cirondi, di sicrete funtane  
è d'appossi sicuri

**Eccu à Falasorma**  
**Affiancatu à Niolu**  
**Eccu induve dorme**  
**L'estru di Pampasgiolu**  
**Isula puesia**  
**Di rime è d'armunia**

Oghje chi u silenziu ti si vole piglià  
T'arricordi di prima cum'è s'ellu era avà  
Di l'ore cantarine  
Di 'ssi ghjorni felici quand'è tù ribumbava  
Di rise zitelline, di fischi pastureschi,  
di ghjente chi spirava

**Ma tù si Falasorma**

**Si a nostra risorsa  
U locu induve dorme  
L'antica anima corsa  
È à e to funtane  
Ne sorgerà dumane**

*Parolle è musica : Jean Yves Acquaviva*